



Na osnovu članova 25 Zakona o Tužilaštvu Brčko distrikta Bosne i Hercegovine („Službeni glasnik Brčko distrikta BiH“ broj: 19/07), člana 15. stav (1) Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj: 5/13 i 101/13), člana 10. stav (1) Uputstva o primjeni Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj: 5/13 i 101/13) i člana 13 i 14 Pravilnika o unutrašnjoj organizaciji i poslovanju Tužilaštva Brčko distrikta Bosne i Hercegovine - prečišćen tekst broj: A-310/2019 od 29.3.2024. godine, vršilac dužnosti glavnog tužioca Tužilaštva Brčko distrikta Bosne i Hercegovine podnosi

IZVJEŠTAJ

O POŠTIVANJU PREDVIDIVIH I OPTIMALNIH ROKOVA ZA PERIOD 1.1. - 31.12.2025. GODINE

I - UVODNE NAPOMENE

U Izvještaju o poštivanju predvidivih i optimalnih rokova za period 1.1. - 31.12.2025. godine (u daljem tekstu: *Izvještaj*) iskazuje se postignuti nivo poštivanja predvidivih i optimalnih rokova u Tužilaštvu Brčko distrikta BiH (u daljem tekstu: *Tužilaštvo*) po vrstama i količini riješenih i neriješenih predmeta u izvještajnom periodu i drugi parametri kojima se iskazuje stepen izvršenja Odluke o predvidivim rokovima za rješavanje predmeta u 2025. godini, broj A-101/2025 od 14.2.2025. godine (u daljem tekstu: Odluka o predvidivim rokovima). Odluka o predvidivim rokovima donesena je u skladu s Uputstvom o primjeni Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Sl. glasnik BiH“, broj 5/13 i 101/13).

Iz praktičnih razloga Izvještaj se konceptualno naslanja na Odluku o predvidivim rokovima tako da se radi lakšeg iskazivanja i vrednovanja ukupnog institucionalnog učinka referira u odnosu na svaki element Odluke, sadržavajući u prilogu pored statističkog izvještaja o poštivanju optimalnih i predvidivih rokova (u daljem tekstu: statistički izvještaj) i analizu:

- a) pokazatelja iz statističkog izvještaja;
- b) raspoloživih resursa u Tužilaštvu;
- c) „perioda neaktivnosti“ u predmetima.

II - IZRAČUNAVANJE I ISKAZIVANJE PREDVIDIVIH ROKOVA

Izračunavanje predvidivih rokova – parametri

Za izračunavanje predvidivih rokova, u skladu sa članom 8. stav (3) Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini („Službeni glasnik BiH“, broj 5/13 i 101/13) (u daljem tekstu: Pravilnik) korišteni su sljedeći parametri:

- a) optimalni rok utvrđen Pravilnikom i
- b) vrijeme potrebno za rješavanje zaostalih predmeta (u daljem tekstu: vrijeme za zaostale predmete).

Optimalni rok, kao standardni vremenski okvir za zakonito i efikasno rješavanje predmeta, utvrđen je Pravilnikom, dok su pak za izračunavanje vremena za zaostale predmete korišteni sljedeći parametri:

- a) broj neriješenih predmeta određene vrste;
- b) godišnja orijentaciona norma utvrđena Pravilnikom o orijentacionim mjerilima za rad tužilaca u tužilaštvima u Bosni i Hercegovini („Službeni glasnik BiH“, broj 6/22);
- c) broj tužilaca koji zadužuju istražne predmete.

Za utvrđivanje broja neriješenih predmeta uzet je broj neriješenih predmeta po pravnom osnovu iskazan u Sistemu za automatsko upravljanje predmetima u tužilaštvima u Bosni i Hercegovini (u daljem tekstu: TCMS).

Planom rada Tužilaštva za 2025. godinu ukupna institucionalna norma Tužilaštva određena je u odnosu na 6,6 od ukupno 7 nosilaca tužilačkih funkcija u Tužilaštvu, pa je kao parametar za izračunavanje predvidivog roka uzet broj tužilaca zadužen za postizanje navedene norme.

Iskazivanje i objavljivanje predvidivih rokova

Predvidivi rokovi iskazani su po glavama krivičnih zakona, kojim su propisana krivična djela iz nadležnosti Tužilaštva, i to:

- a) preuzetog Krivičnog zakona Socijalističke Federativne Republike Jugoslavije (za krivična djela protiv čovječnosti i vrijednosti zaštićenih međunarodnim pravom) i
- b) Krivičnog zakona Brčko distrikta Bosne i Hercegovine (za sva krivična djela).

Odnosni predvidivi rokovi iskazani su tabelarnim prikazom kreiranim u TCMS-u, koji je sastavni dio Odluke.

Zbog nepostojanja odgovarajuće funkcionalnosti u TCMS-u strankama nije izdavano obavještenje o predvidivom roku, dok je sama Odluka objavljena na internet stranici Tužilaštva:

www.it-brckodistriktbih@pravosudje.ba.

III - ANALIZA STATISTIČKOG I DRUGIH TCMS IZVJEŠTAJA

Analiza pokazatelja iz statističkog izvještaja o poštivanju optimalnih i predvidivih rokova

Prema automatski generisanim TCMS izvještajima: „Izvještaj o poštivanju optimalnih i predvidivih rokova“ i „Lista riješenih predmeta - predvidivi rokovi“ u posmatranom periodu riješena su ukupno 236 predmeta. Od toga manje od polovine riješeno je u predvidivom roku, njih 114 ili 48,30%. U optimalnom roku riješeno je 83 predmeta ili 35,16%. Sa prekoračenjem predvidivog roka riješena su ukupno 122 predmeta ili 51,69%. Prema vrstama predmeta najveći broj predmeta sa prekoračenjem predvidivog roka odnosi se na krivična djela protiv braka i porodice (31) te krivična djela protiv imovine (29), a najmanji na krivična djela protiv životne sredine (2) i krivična djela protiv opšte sigurnosti ljudi i imovine (1).

Prema TCMS izvještaju „Lista neriješenih predmeta - predvidivi rokovi“ u radu su ostala ukupno 129 predmeta, od čega je njih 47 ili 36,43% i dalje u predvidivom roku, dok su 82 neriješena predmeta s prekoračenjem predvidivog roka (63,56%). Prema vrstama predmeta najveći broj predmeta sa prekoračenjem predvidivog roka odnosi se na krivična djela protiv imovine (29) i krivična djela protiv braka i porodice (14), a najmanji na krivična djela protiv opšte sigurnosti ljudi i imovine, krivična djela protiv polnog integriteta i krivična djela protiv čovječnosti i vrijednosti zaštićenih međunarodnim pravom (po 1).

Među najznačajnije razloge za prekoračenje predvidivog roka spadaju objektivne okolnosti koje su u velikom broju predmeta suspendirali njihovo konačno rješavanje (nedostupnost osumnjičenog, ključnih svjedoka, upražnjenost tužilačkih i saradničkih pozicija i dr.).

Analiza raspoloživih resursa u tužilaštvu

a) Ljudski resursi

Tužilačku funkciju u Tužilaštvu obnaša ukupno sedam nosilaca tužilačkih funkcija i to: glavni tužilac, zamjenik glavnog tužioca i šest tužilaca Tužilaštva. Dvije od osam predviđenih tužilačkih funkcija su upražnjene tokom cijele godine, dok su druge dvije tužilačke funkcije bile upražnjene više od sedam (7) mjeseci usljed privremene spriječenosti za rad tužioca. Tužioci su bili raspoređeni po nižim organizacionim jedinicama, kako slijedi:

- a) Odsjek za ratne zločine - raspoređena dva tužioca;
- b) Odsjek za opći kriminal - raspoređena dva tužioca,
- c) Odsjek za organizirani kriminal, privredni kriminal i korupciju - raspoređen zamjenik glavnog tužioca i jedan tužilac.

Tužiocima u radu pomažu šest stručnih saradnika, jedan pripravnik i jedan volonter. Normativno-pravnu, administrativno-tehničku i logističku podršku u radu tužiocima pružaju službenici: sekretar (1), šef administracije (1), operater-upisničar (2), operater-asistent (5), arhivar-operater (1) i vozač-kurir (1). Uključujući službenike Administrativnog odjela ukupan broj uposlenih u Tužilaštvu na kraju izvještajnog perioda iznosi 23.

b) Materijalno-tehnički resursi

Sjedište Tužilaštva nalazi se u zajedničkoj zgradi pravosudnih insitucija Brčko distrikta BiH koju još koriste sudovi Distrikta. Zgrada predstavlja rekonstruirani bivši vojni kompleks s prenamjenom za civilne potrebe. Ukupna raspoloživa neto površina prostora koje koristi Tužilaštvo iznosi 818,54 m², dok radna površina izražena u bruto vrijednosti iznosi cca 950 m². U kasnije izgrađenoj zgradi pravosudne administracije za Tužilaštvo je osiguran dodatni podrumski prostor za smještaj arhive površine od 25 m², te jedno parking mjesto u zajedničkom zatvorenom garažnom prostoru. Uključujući pomoćne prostorije ukupna raspoloživa neto radna površina Tužilaštva iznosi cca 850 m².

Tužilaštvu nedostaju prostorije za: čuvanje arhivske građe, tajnih i ličnih podataka i oduzetih predmeta, zadržavanje osumnjičenih i parkiranje vozila.

Tužilaštvo raspolaže s dovoljnim brojem putničkih vozila (3), računarskih jedinica (cca 1 po uposlenom) i pratećom tehničkom opremom.

Ukupni materijalno-tehnički resursi obezbjeđuju dobre uslove za rad Tužilaštva Brčko distrikta BiH, međutim u pogledu ljudskih resursa neophodno je što skorije provođenje postupaka popunjavanja upražnjenih tužilačkih pozicija za optimalni rad ovog tužilaštva.

Analiza „perioda neaktivnosti“ u predmetima

U nedostatku egzaktnih statističkih izvještaja, koji bi izdvojili i prikazali predmete u kojima je bilo značajnih perioda neaktivnosti, kroz ovaj aspekt posmatranja rada Tužilaštva, moguće je gledati na predmete u kojima usljed objektivnih okolnosti (nedostupnost osumnjičenog, ključnih svjedoka, odsutnost tužilaca i dr.), preduzimanje daljnjih radnji u predmetu za određeni vremenski period nije bilo moguće. U cilju preveniranja neaktivnosti u predmetima iz subjektivnih razloga doneseno je obavezujuće uputstvo glavnog tužioca prema kojem su tužioci dužni službenom zabilježskom svakih šest mjeseci detaljno navesti razloge za neokončanje istrage. Ovi razlozi se cijene od strane glavnog tužioca nakon čega se donosi odluka o tome da li će se preduzeti neka od mjera iz njegove nadležnosti ili pak druga mjera.

U skladu sa Planom rada za 2025. godinu posebno je nadzirana dinamika rješavanja starih i prioritarnih predmeta, pri čemu su se rezultati nadzora prezentirali kroz česte interne radne sastanke vršioca dužnosti glavnog tužioca sa tužiocima i sjednice Kolegija Tužilaštva. U određenom broju predmeta usljed povremene neažurnosti u promjeni faza u pojedinim predmetima može statistički biti iskazana neaktivnost, mada je predmet u stvarnosti aktivan i u odgovarajućoj fazi. U tom smislu, kako bi statistički izvještaji prikazivali realno stanje u rješavanju predmeta, nosiocima tužilačkih funkcija naloženo je blagovremeno provođenje potrebnih radnji u TCMS-u.

Prijedlog mjera kako bi se utvrđeni predvidivi rokovi skraćivali i približavali optimalnim rokovima

1. Povlačiti mjesečne statističke izvještaje o poštivanju predvidivih rokova i vršiti njihovu analizu (nosioci aktivnosti: tužioci; rok: kontinuirano);
2. Pojačati dinamiku rješavanja predmeta kod kojih je došlo do prekoračenja rokova (nosioci aktivnosti: tužioci; rok: odmah);
3. Davati prioritet u radu predmetima kod kojih je bliži istek predvidivog roka (nosioci aktivnosti: tužioci; rok: odmah);
4. Preduzimati druge mjere iz nadležnosti nosilaca tužilačkih funkcija (nosioci aktivnosti: glavni tužilac i tužioci; rok: kontinuirano).

Pored navedenih posebnih mjera, mjerama opće prirode tužiocima je naloženo da uspostave i održavaju odgovarajuću dinamiku u rješavanju predmeta. Optimalnu dinamiku u predmetima tužioci su dužni održavati redovnim i blagovremenim preduzimanjem tužilačkih radnji i mjera iz svoje nadležnosti, pravilnim određivanjem i praćenjem optimalnih rokova evidencije u spisima i drugim efektivnim mjerama na koje su ovlašteni tako da period neaktivnosti u predmetu bude sveden na najmanju moguću mjeru. Određeno je da period neaktivnosti, koji se računa od dana preduzimanja posljednje tužilačke radnje u spisu, iz objektivnih razloga ne može trajati duže od dva mjeseca u predmetima općeg kriminala i starim predmetima bez obzira na vrstu, odnosno tri mjeseca u predmetima privrednog kriminala i korupcije. Ukoliko je period neaktivnosti jednom ili više puta prekoračen tužioci su bili dužni za svako takvo prekoračenje u službenoj zabilješci navesti detaljne razloge i objašnjenja u skladu s Obavezujućim uputstvom o održavanju efikasnosti u upravljanju tužilačkim predmetima, broj: A-15/2020 od 13.1.2020.godine.

IV - IZVRŠENJE, NADZOR I IZVJEŠTAVANJE

Za izvršenje odluke neposredno su zaduženi tužioci. Nadzor nad izvršenjem odluke vršio je vršilac dužnosti glavnog tužioca uvidom u evidencije o riješenim predmetima i preduzimanjem drugih mjera iz svoje nadležnosti (uvidom u tcms i druge u tu svrhu kreirane statističke izvještaje).

Broj: A-101/2025
Brčko, 08.01.2026. godine

Dostavljeno:

- Visokom sudskom i tužilačkom vijeću BiH;
- Tužiocima;
- a/a;

VRŠILAC DUŽNOSTI
GLAVNOG TUŽIOCA

RADMILO IVANOVIĆ

Izveštaj o poštivanju optimalnih i predvidivih rokova

* Parametri sa kojima je pokrenut izveštaj

Tužilaštvo	TUŽILAŠTVO BRČKO DISTRIKTA BIH
Tužilac	RADMILO IVANOVIĆ AMINA DEDIĆ DEJANA JOVANOVIĆ DIJANA AZAPAGIĆ DIJANA AZAPAGIĆ GORDANA RADOVANOVIĆ VLADIMIR TEPAVČEVIĆ
Prikaži u listi "Tužilac" i ranije tužioce	< BEZ VRIJEDNOSTI >
Prikaži tužioce na izveštaju	BEZ TUŽILACA
Izveštajni period od	01.01.2025
do	31.12.2025

TUŽILAŠTVO BRČKO DISTRIKTA BIH

Izveštajni period : 01.01.2025 - 31.12.2025

Vrsta predmeta	Optimalni rok	Predvidivi rok	Broj predmeta u radu			Broj riješenih predmeta				Prosječno trajanje riješenih predmeta	Broj neriješenih predmeta na kraju izveštajnog perioda				Prosječno trajanje neriješenih predmeta na kraju perioda
			neriješeno na početku perioda	primljeno u periodu	ukupno predmeta	u optimalnom roku	u predvidivom roku	sa prekorač. predv. roka	ukupno predmeta		sa prekorač. opt. roka	sa prekorač. predv. roka	bez prekorač. predv. roka	ukupno predmeta	
	I	II	III	IV	III + IV	V	VI	VII	VI + VII	VIII	IX	X	XI	X + XI	XII
X Krivični postupak															
Istraga - Krivična djela protiv sigurnosti javnog prometa	71	101	7	24	31	8	11	11	22	148	5	3	6	9	113
Istraga - Krivična djela protiv imovine	71	124	28	114	142	49	67	29	96	120	31	29	17	46	199
Istraga - Krivična djela protiv javnog reda i mira	71	101	6	9	15	3	5	5	10	262	3	3	2	5	1096
Istraga - Krivična djela protiv pravosuđa	71	101	2	2	4	0	1	3	4	468	0	0	0	0	0
Istraga - Krivična djela protiv života i tijela	86	123	14	42	56	10	13	21	34	236	14	13	9	22	152
Istraga - Krivična djela protiv polnog integriteta	86	116	2	3	5	0	0	3	3	372	1	1	1	2	120
Istraga - Krivična djela protiv zdravlja ljudi	101	130	10	7	17	0	0	8	8	478	6	6	3	9	397
Istraga - Krivična djela protiv privrede i platnog prometa	101	131	5	6	11	3	3	5	8	245	3	3	0	3	320
Istraga - Krivična djela protiv opšte sigurnosti ljudi i imovine	101	131	0	5	5	1	1	1	2	140	1	1	2	3	124

Izvještaj o poštivanju optimalnih i predvidivih rokova

Vrsta predmeta	Optimalni rok	Predvidivi rok	Broj predmeta u radu			Broj riješenih predmeta				Prosječno trajanje riješenih predmeta	Broj neriješenih predmeta na kraju izvještajnog perioda				Prosječno trajanje neriješenih predmeta na kraju perioda
			neriješeno na početku perioda	primljeno u periodu	ukupno predmeta	u optimalnom roku	u predvidivom roku	sa prekorač. predv. roka	ukupno predmeta		sa prekorač. opt. roka	sa prekorač. predv. roka	bez prekorač. predv. roka	ukupno predmeta	
	I	II	III	IV	III + IV	V	VI	VII	VI + VII	VIII	IX	X	XI	X + XI	XII
Istraga - Krivična djela protiv životne sredine	101	131	0	5	5	1	1	2	3	152	1	1	1	2	80
Istraga - Krivična djela protiv braka i porodice	41	71	19	37	56	5	7	31	38	182	14	14	4	18	167
Istraga - Krivična djela protiv ustavnog uređenja	101	131	1	0	1	0	0	0	0	0	1	1	0	1	1633
Istraga - Krivična djela povrede autorskih prava	41	41	0	0	0	0	0	0	0	0	0	0	0	0	0
Istraga - Krivična djela protiv službene dužnosti	158	158	0	0	0	0	0	0	0	0	0	0	0	0	0
Istraga - Krivična djela protiv čovječnosti i vrijednosti zaštićenih međunarodnim pravom	180	284	1	0	1	0	0	0	0	0	1	1	0	1	2687
Istraga - Krivična djela protiv slobode i prava čovjeka	71	101	4	7	11	2	4	3	7	122	3	3	1	4	246
Istraga - Krivična djela protiv oružanih snaga	71	71	0	0	0	0	0	0	0	0	0	0	0	0	0
Istraga - Krivična djela iz oblasti poreza	71	101	2	3	5	1	1	0	1	3	3	3	1	4	476
Istraga - Krivična djela terorizma	180	180	0	0	0	0	0	0	0	0	0	0	0	0	0
Ukupno :			101	264	365	83	114	122	236	181	87	82	47	129	267